



禮書卷第二十

組綬

玼珠

象環

婦人佩

結綬

男子事佩

婦人事佩

組綬



玉藻天子佩白玉而玄組綬諸侯佩山玄玉而朱組綬
 大夫佩水蒼玉而純組綬世子佩瑜玉而綦組綬士佩
 瑠玖玉而緼組綬鄭氏曰綬者所以貫佩也純當為緼詩曰青青子佩

毛氏曰士佩璫
珉玉而青組綬尔雅曰璫瑞也綬綬也漢志曰綬者佩璫也

然則組綬之佩謂之綬以其貫玉相承受也謂之璫以其貫璫王也謂之綬以其貫玉相迎也其飾天子玄諸侯朱大夫純世子綦士緼玄者道也朱者事也蒼者白者德之雜赤黃者事之雜純則素而已此天子至士佩綬之辨也鄭氏以大夫純綬為緇綬毛氏以青為士佩豈其所傳者異歟禮紳鞞結三齊特佩綬之長無所經見漢制貴者綬長三尺二寸卑者綬長三尺古者之佩蓋亦類此然秦以采組連結於璫光明章表轉相結受故謂之綬漢承秦制加之以雙印佩刀之飾天子黃赤綬四采黃赤紺縹淳黃圭長丈九尺九寸五百首諸侯王赤綬四采赤黃縹紺淳赤圭長二丈一尺三百首諸國貴人相國皆綠綬三采綠紫紺淳綠圭長二丈一尺二百四十首

公侯將軍紫綬二采紫白淳紫圭長丈七尺百八十首九卿中二千石青綬三采青白紅淳青圭長丈七尺百二十首千石六百石黑綬三采青赤紺淳青圭長丈六尺八十分首四百石三百石長同四品三百石黃綬淳黃圭一采

長丈五尺六十首百石青紺綸一采宛轉縹緋長丈二尺九寸

合單紡為一系四系為一拊五

扶為一首五首成一文文采淳為一圭首多者系細少者系麤皆廣尺六寸唐制天子白玉雙佩黑組大雙綬黑質黑黃赤白縹綠為純廣一尺長二丈四尺五百首紛廣二寸四分長六尺四寸色如綬又有小雙綬長二尺六寸色如大綬而首半之皇太子瑜玉雙佩朱組雙大綬朱質赤白縹紺為純長一丈八尺廣九寸三百二十首紛長六尺四寸廣二寸四分色如大綬羣臣一品衮冕山玄玉佩綠綬綬綠質綠紫黃赤色為純長一丈八

尺廣九寸二百四十首二品敝烏冕佩水蒼玉紫綬紫質紫黃赤為純長一丈六尺廣八寸一百八十首三品毛毳冕紫綬如二品自三品以下皆青綬青質青白綬為純長一丈四尺廣七寸一百四十首五品玄冕黑綬紺質青紺為純長一丈二尺廣六寸一百二十首進賢冠紛長六尺四寸廣四寸色如其綬遠游冠纁朱綬朱質赤黃纁紺為純長一丈八尺廣九寸二百四十首然大綬之飾於古無有特後世之制也

玼珠



王府共王之服玉佩珠美戴禮曰玼珠以納其間韓詩傳亦曰蠙珠以納其間蠙者蚌也玼即蠙也然荀卿賦曰玉瑤珠弗知佩也謂之瑤珠則以玉為珠非蚌珠也謂之蠙珠蓋其狀若蚌珠然


象環



爾雅曰肉好若一謂之環玉藻曰天子佩象環五寸而綦組綬家語稱孔子之喪公西赤掌殯葬焉龍衣衣十一稱佩象環而綦組綬夫孔子其服也鄉其冕也從眾以為大夫也不敢舍車而徒以無臣也不敢為有臣而葬

然佩不以大夫之水蒼玉而以象綬不以大夫之純而以綦者孔子制行有從衆者有違衆者要適於義而已考之於禮象次於玉象路次玉路象笏次工笏綦下於純則象環綦綬聖人之謙

婦人佩



竹竿詩曰佩玉之儺有女同車詩曰佩玉瓊琚衛之男子環佩璆然阿谷之女佩璜而澣皆婦人佩也其等衰不可以考或亦眡其夫而爲之度歟漢制太皇太后皇太

后皇后綬與乘輿同公主綬與諸侯王同唐制亦自皇后佩綬如天子公主王妃佩綬同諸王然其所謂綬者非古綬制也

綉結佩結又



王藻曰齊則綉結佩鄭氏曰綉屈也結又屈之思神靈不在事也蓋齊所以致精明之德佩既結矣又從而屈之不以徵角宮羽之聲散其志也况敢聽樂乎儀禮之陳服噐有順有緝順則直緝則屈故士喪禮陳龍襲車于房中西領南上不綉陳衣于房南領西上綉士虞禮曰

器西南上綉既夕禮乃奠且南上綉俎二南上不綉鄭氏曰
綉讀為絳絳屈也江沔之間謂索收繩索為絳

男子事佩 左五
右六

婦人事佩 左五
右六



詩芄蘭曰童子佩觿童子佩鞶瞻彼洛矣曰韉琫有珌
公劉曰韉琫容刀內則曰子事父母左佩紛悅刀礪小觿金
燧右佩玦埤管遺大觿木燧婦事舅姑如事父母左佩
紛悅刀礪小觿金燧右佩箴管線續施繫衷大觿木燧
詩曰無感我悅兮又曰佩其象掃士昏禮母施衿結悅玉
藻曰君在不佩玉左結佩右設佩鄭氏曰世子出所處而君
在焉則去德佩而設事佩結其左者若於事未有能也古者
有德佩有事佩德佩則左右皆玉事佩則左紛悅右玦捍
之類左佩皆有五右佩皆六以左陽而奇右陰而偶故也左
佩者小右佩者大以左手足不如右強故也先設事佩次加
德佩以事成而下德成而上故也詩言佩觿佩鞶乃言容
兮遂兮是先設事佩後設德佩也君在不設佩左結佩
右設佩居則設佩朝則結佩鄭氏以為世子之禮是也臣

於君所佩必垂委而相必鳴玉是與世子之禮異也考
之內則男女未冠笄衿纓佩容臭而已則佩者成人之服
也衛詩以惠公驕而無禮故譏以童子佩觿童子佩
以言無成人之德而服成人之服也子衿詩曰青青子佩
亦指成人者言之

禮書卷第二十終

禮書卷第二十一

左宣義郎太常博士陳祥道上進

觿 捍 紛 斲 礪

還 金燧 木燧 鑿

觿或以象
或以角




禮曰子事父母婦事舅姑左佩小觿右佩大觿詩曰童
子佩觿毛氏曰觿所以解結鄭氏曰觿貌如錐以象骨
為之說文曰觿佩角銳端可以解結然則佩觿成人之
服也衛惠公服成人之服而有童子之行故詩刺之

鞞 鞞者極一物而三
名以朱韋為之



詩曰童子佩鞶毛氏曰鞶玦也鄭氏曰鞶之言沓也說文鞶亦作鞶鞶射決也考之射禮右巨指著決所以鉤弦食指中指無名指著沓所以放弦左臂著拾所以遂弦士喪禮決用正王棘若擇棘則大夫用骨天子諸侯用象矣鄭氏釋大射及維人云大射朱極三士喪續極二則鞶生者以韋死者以續矣鞶謂之極以其中於指也謂之沓以於其沓於指也毛氏許慎以鞶為決誤矣

捍



禮曰右佩玦捍捍韝臂也以韋為之可以捍弦亦謂之拾亦謂之遂則捍拾遂一物而三名餘見射門

紛帨



詩曰無感我悅兮內則曰女子設帨於門右昏禮毋施衿設帨內司服后之喪共內具之物鄭氏曰內具紛帨之屬然則悅佩巾也佩巾雖女子之事而男子亦有之故禮曰子事父母左佩紛帨鄭氏曰紛帨拭物之巾也今齊人有言紛者蓋自巾言之謂之紛與帨同義先儒昂謂之份自拭物言之謂之悅與挽同義儀禮既祭皆唐制天子紛廣二寸四分長六尺四寸色如綬皇太子公服紛廣二寸四分長六尺四寸色如綬羣臣進賢冠者紛廣四寸長六尺六寸色如綬此又因以為飾者也

礪



禮曰左佩刀礪詩曰取厲取鋸書曰礪砥砮丹又曰若金用汝作礪漢書曰泰山若礪又曰城功玄厲莊子曰新發於硎鄭氏曰礪礪也則礪謂之硎亦謂之礪又謂之砥孔安國曰砥細於礪

遺
鞞刀



禮曰右佩遺遺刀鞞也瞻彼洛矣詩曰鞞琫有珌公劉詩曰鞞琫容刀左傳曰藻率鞞鞞昭其數也毛氏釋瞻彼洛矣曰鞞刀鞞也琫上飾珌下飾天子玉琫而玼玼諸侯盪琫而璆玼大夫鏐琫而鏐玼士玳琫而玳玼釋

云公劉曰下曰鞞上曰琫劉熙亦曰刀室曰削室口之飾曰琫琫捧也下末之飾曰琕琕卑也蓋琕琫玼皆刀削之飾而琕尤在其下也犀謂之玼犀屬謂之玳黃金謂之盪其美者謂之璆白金謂之銀其美者謂之鏐說文玼犀甲玳犀屬杜預云上飾曰鞞此天子至士鞞飾所以不同也下飾曰鞞与毛氏劉氏之說不同不可考也削遺皆刀室之異名削亦作鞞 鞞亦作琕琫亦作鞞

金燧



木燧



鑿

古者燧人取火周官司烜氏掌以夫遂取明火於日以鑿取明水於月以共祭祀之明盞明燭共明水內則左佩金鑿右佩木燧考工記曰金錫半謂之鑿燧之齊淮南子曰陽燧見日則然而為火方諸見月則津而為水王充論衡曰陽燧取火於日方諸取水於月相去甚遠而火至水來者氣感之也鄭司農釋周禮謂夫發聲鄭康成謂夫遂陽遂也鑿鏡屬世謂之方諸然則鑿金為之則夫遂亦金矣內則以夫遂為金遂是也鑿之躰方則夫遂圓矣世謂鑿為方諸是也蓋離者陽中之陰於物為火坎者陰中之陽於物為水以金遂取火則以陽



召陰以方諸取水則以陰召陽以陽召陰夫道也故謂之夫夫能遂事故謂之遂夫遂以義言鑿以躰言於取火言夫遂於取水言鑿互相備也高誘曰方諸陰燧大蛤也熟摩向月則水生以銅盤受之下水數石觀漢之飲耐夕牲以鑿諸取水於月以陽燧取火於日漢書儀唐之李恭真嘗八九月中取蛤尺二寸試之得水數斗劉長卿志則取水亦以大蛤矣或謂之方珠蓋其類也莊子曰木與木相摩則然文子曰木中有火不鑽不發故四時變國火者春取榆柳夏取棗杏季夏取桑柘秋取柞櫛冬取槐檀而木燧取火蓋不必然先儒謂晴則取火以金燧陰則取火以木燧然金燧以取明火特施於致嚴之時而已則九取火皆木燧耳孰謂木燧有間於陰晴耶

禮書卷第二十二

刀

劔

削

夫


鑿

纓


劔

繫

刀




削刀
合規
成規



考工記曰三分其金而錫居一謂之太刃之齊五分其金而錫居二謂之削殺矢之齊又曰築氏為削長尺博寸合六而成規桃氏為刃鄭氏曰刃刀劍之屬削今之書刃詩曰鞞琫容刀書曰赤刀大訓孔安國曰赤刀赤刃削少儀曰刀卻刃授穎削授拊鄭氏曰穎環也拊把也釋名曰刀到也其末曰鋒若鋒刺之利也其本曰環形似環也然則直而本環者刀也曲而本不環者削也

鸞刀



詩曰執其鸞刀以啓其毛記曰割刀之用鸞刀之貴貴其義也聲和而後斷也又曰鸞刀以割公羊傳曰鄭伯右執鸞刀以逆楚王毛氏曰鸞刀刀有鸞者割中節也孔穎達曰鸞即鈴也謂刀環有鈴其聲中節何休曰鸞刀宗廟割切之刀環有和鋒有鸞考之詩禮曰和鸞雖雖曰登車聞和鸞之聲有鸞必有和鸞在前和在後詩有言鸞鑣有言八鸞則和可知有言和鈴則鸞可知然則何休言鸞刀之制蓋有所授耳夫和非斷則牽斷非和則劇故天以秋肅物而和之以允聖人以義制物而和之以仁鸞刀以和濟割亦此意也易曰利物足以和

義

說文寸爲赤神之精赤也五采爲形鳴也五音


劍



考工記桃氏為劍臘廣二寸有半寸兩從半之以其臘
廣為之莖圍長倍之中其莖設其後三分其臘廣去一
以為首廣而圍之身長五其莖長重九鈔謂之上制上
士服之身長四其莖長重七鈔謂之中制中士服之身長三其莖
長重五鈔謂之下制下服之蓋劍柄之名六後夾古協反鼻莖
鐔首也劍刃之名三臘脊鐔也所握者為夾中於夾者
曰莖其旁鼻曰鐔釋名曰帶所貫鼻也設其下而大之者為後圍其
上以接刃者為首兩刃為臘其中高者為脊其末殺者
為鐔鐔亦謂之鋒鼻亦謂之莖字林亦謂之珥博雅劍珥謂之鐔
上制九鈔下制五鈔鈔六兩大半兩此劍之大略然也
少儀曰僕者右帶劍樂記曰武王克商禪冕櫛笏而虎
賁之士說劍家語曰子路拔劍而舞莊子曰孔子使子
路去其危冠解其長劍春秋傳曰衛渾良夫祖裘不釋

劍而食太子數三罪而殺之則古者車僕勇力之士帶
劍其服冕弁以行禮者佩玉而已至秦始皇乃冠冕帶
劍漢禮自天子及百官皆佩劍魏氏唯朝服佩之晉氏
又以木代之唐亦有焉蓋承秦漢之制然也春秋繁露
曰劍之在左青龍象也刀之在右白虎象也則古之佩
劍者必左而少儀右帶劍者蓋車上之位君在左車右
僕居中居耐右帶劍避君也

劍櫝



夫襁 劍衣



少儀曰劍則啓櫝蓋襲之加夫禕與劍焉莊子曰干越之劍柙而藏之則櫝劍柙也夫禕劍衣凡藏玉與筮者曰櫝藏弓矢者曰韞而劍室亦謂之櫝以其有所容故也又謂之柙以其有所檢故也藏虎兕者亦曰柙夫禕博雅作袿禕蓋進劍者左首而加於夫禕之上則左首者尊其首也加於夫禕之上不敢襲也

纓



曲禮曰女子許嫁纓內則曰婦事舅姑衿纓男女未冠笄者雞初鳴衿纓皆佩容臭詩曰親結其縞士婚禮女嫁母施衿結忱爾雅曰婦人之禕謂之縞縞縵也又曰衿謂之衿郭璞曰縞香縵也禕邪交落帶繫於體又曰

衿衣小帶也蓋纓帶曰衿婚禮所謂施衿是也帶結而垂曰縞爾雅所謂縞縵是也鄭氏曰衿猶結也則詩所謂親結其縞為衿纓可知也孔穎達之徒以詩言結縞禮言結忱則曰縞忱巾也然詩言緋纒維之爾雅作緋縞亦曰縞縵也則縞非忱巾矣內則男女事父母婦事舅姑皆有纓以佩容臭則與女子許嫁之纓不同鄭氏曰婦人有纓示有繫屬誤矣何則許嫁已纓將嫁無所復施既嫁夫說之矣無所復用則事舅姑之衿纓非許嫁之纓也鄭氏曰許嫁之纓蓋以五采為之然則事父母舅姑之纓亦五采歟

繫裘




內則婦事舅姑佩箴管線纒施繫裘鄭氏曰繫小囊也繫裘言施明為箴管線纒有之內司服后之喪共九內具之物鄭氏曰內具繫裘之屬也能氏曰裘刺也刺裘而為繫囊故曰繫裘然則士婚禮所謂衿鞶者蓋此也鄭氏以衿鞶為盛悅巾之屬然內則左佩悅巾右佩繫裘而悅巾不聞有鞶唐志婦人悅巾亦不施鞶

禮書卷第二十二終


禮書卷第二十三

天子鞞 諸侯鞞 大夫鞞 士鞞
 素鞞 爵鞞 邪幅


天子鞞而色朱而體直其繪龍火山上
 頸有旁與上有紕下有純中有紕
 不至下五寸繪去上五寸則中二尺
 矣鄭氏曰直謂四角直無圍殺孔穎
 達曰禮圖天子鞞制形如夏鼓今參
 驗不附人情




諸侯諸侯在國則朱朝鼓王則赤鼓其體前後方其繪火山
 頸有紕純紉與天子同鄭氏曰前後
 方謂殺四角使之方變於天子也所殺
 者去上下各五寸孔穎達曰方則殺
 也所殺之處以物補飾之使方變於
 天子然考工記曰大琮十有二寸射
 四寸地體方而四隅有維則射四寸
 者其偶也鼓之前後方蓋亦類此所
 以異於天子直也毛氏釋詩曰鼓天
 子純朱諸侯黃朱考之禮周尚赤而
 尊黃彝纁裳赤黃馬黃朱烏金烏則鼓
 固有黃朱者矣




大夫鼓詩曰三則大夫之鼓其色赤其
百赤鼓體前方後挫角其繪山此助祭冕服
 之鼓也若祭於巳則朝服用素鼓




士黷韜士前後正鄭氏曰士賤與君同不嫌也
 正直方之間語也天子之士則直諸
 侯之士則方孔穎達曰正不表也直
 而不表謂之正方而不表亦謂之正
 考之說文士無蒂有韜削如楹缺四
 角缺四角則與前方後挫者不同所
 以其體正也士缺上下諸侯方而不
 挫天子直而不方此尊卑之辨也



素韜



爵鞞



詩曰朱芾斯皇三百赤芾赤芾金舄赤芾在股庶見素

鞞

安祥祭朝服素鞞

易曰朱紱方來困于赤紱玉藻曰鞞君朱

大夫素士爵韋

此玄端服之鞞也鞞必象衣色天子諸侯玄端未裳大夫素裳士去裳黃裳雜裳

圓殺直天

子直公侯前後方

殺四角使之方亦多於天子

大夫前後挫角

圓其上角亦變於君也鞞

以下為前以上為後

士前後正

士賤與君同不嫌也正直方之間語也天子之士則直諸侯之士則方

鞞下廣二尺

上廣一尺長三尺其頸五寸肩革帶博二寸文曰一命

緼鞞再命赤鞞二命赤鞞

此玄冕爵弁服之鞞也鞞亦服異其名耳

又曰齊則績

結佩而爵鞞明堂征曰有虞氏服鞞夏后氏山商火周

龍章雜記曰鞞長三尺下廣二尺上廣一尺會去上五

寸紕以爵韋六寸不至下五寸純以素紕以五采

鄭氏曰會

謂上領縫也領之所用蓋與紕同在旁曰紕在下曰純素生白也紕六寸者中執之表裏各三寸也純紕所不至者五寸與會去上同紕施諸縫中若今時條也

詩曰鞞鞞有顛

箋云此諸侯世子也除三年之喪服士服而來未遇爵命之時有征伐之事天子使代鞞士將六軍而出

士冠禮爵弁服鞞鞞

鄭氏曰鞞鞞緼鞞也士鞞鞞而幽衡合五采為鞞因以名焉今齊人名鞞為鞞鞞

皮弁服素鞞玄端爵鞞特牲饋食其服皆朝服玄端緇

鞞唯尸祝佐食玄端玄裳黃裳雜裳可也皆爵鞞緇鞞者

左傳曰衮冕黻廷昭其度也鄭康成曰古者田

漁而食之衣其皮先知蔽前後知蔽後後王易之以布

帛而獨存其蔽前者不忘本也爾雅曰蔽膝謂之襜褕釋

名曰鞞蔽也所以蔽前也婦人蔽膝亦如之也

鞞之作也在衣之先其服也在衣之後其色則視裳而

已禮記言君朱大夫素士爵韋者祭服之鞞也蓋君祭

以冕服冕服玄衣纁裳故朱鞞大夫祭以朝服緇衣素

裳故素鞞士祭以玄端玄裳黃裳雜裳可也故爵

鞞周官典命公侯伯之士一命而士之助祭以爵弁

侯伯之卿三命大夫再命而卿大夫助祭聘王以玄冕

祭於爵弁纁裳故緇鞞所謂一命緇鞞是也公

侯伯之卿三命大夫再命而卿大夫助祭聘王以玄冕

司服孤之服自希冕而下鄭氏以為為卿大夫之服自玄

冕而下鄭氏以為為助祭聘王之服蓋孤希冕祭於公弁

而祭於公冠而祭於已玄冕纁裳故赤鞞所謂再命三

命赤鞞是也鞞之為物以其菲前則曰鞞以其一巾足

矣故曰鞞以色則曰緇以緇質則曰鞞鞞古入謂鞞為

鞞考之士冠禮於皮弁玄端皆言鞞特於爵弁言鞞

鞞詩於素鞞言鞞於朱芾赤芾乃言芾是鞞者芾之通

稱而芾與鞞異其名所以尊祭服也君鞞雖以朱而

諸侯朝王亦赤芾詩曰赤芾在股赤芾金駟是也士雖

以爵凡君子之齊服皆爵鞞記曰齊則績結佩而爵鞞

是也采芑言方叔之將兵鞞亦以朱瞻彼洛矣言作六

師而鞞以鞞鞞者蓋兵事韋弁服韋弁服纁裳故貴者

以朱芾卑者以鞞鞞鞞鞞即所謂緇鞞也鞞長三尺所

以象三才頸五寸所以象五行下廣二尺象地也上廣

一尺象天也會去上五寸紕以爵韋六寸不至下五寸
 純以素紕以五采會猶書所謂作會也紕裨其上与旁
 也純緣其下也夫會與純合五寸則其中餘二尺也紕
 六寸則表裏各三寸也天子之鞞直其會龍火與山諸
 侯前後方其會火以下大夫前方挫角其會山而已鄭
 氏謂山取其仁火取其明龍取其變天子備焉諸侯火
 而下鄉大夫山士鞞韋以禮推之周人多以近世之禮
 待貴者遠世之禮待卑者則鄭氏之說是也周以虞學以
 夏序商學為大學以商人棺槨葬長殤以夏之聖周葬
 中殤以虞氏之瓦棺葬無服之殤皆待卑者以質略也
 然鞞自頸有而下則其身也鄭氏以其身之五寸為領
 而會為領縫是肩在領上矣衣之上鞞猶尊上玄酒俎
 上生魚也鄭氏謂衣之上鞞者執事以蔽裳為敬與不
 忘其本之說矣古者喪服用鞞無所經見詩曰庶見

素鞞是祥祭有鞞也劉熙曰鞞以蔽前婦人蔽膝亦如
 之唐志婦人蔽膝皆如其夫是婦人有鞞也荀子曰共
 艾異說者曰蒼曰晝晝是罪宥有鞞也及戰國連兵鞞非兵飾去
 之明帝復制鞞天子赤皮蔽膝魏晉以來用絳紗為之
 故字或作絳徐廣車服儀制六

邪幅 朱色



詩曰赤芾在服邪幅在下左氏曰帶裳幅為大則曰偏
 屨著綦繫也鄭康成謂偏束其脛自足至膝故曰在下
 蓋以幅帛邪纏於足故謂之邪幅邪幅所以自偏束也
 故謂之偏偏即膝約之也故漢謂之行膝內則男子事

父母有偏詩諸侯朝天子有邪偏則凡行皆有偏特婦人不用焉故內則婦事舅姑無偏

禮書卷第二十三

禮書卷第二十四

王及諸侯城郭之制 王城 經涂環涂

王畿 鄉制 遂制

王及諸侯城郭之制

典命上公九命為伯其國家宮室車旗衣服禮儀皆以九為節侯伯七命其國家宮室車旗衣服禮儀皆以七為節子男五命其國家宮室車旗衣服禮儀皆以五為

節上公謂王之三公有德者加命為二伯三王之後亦為七公國家國之所居謂城方也公之城蓋方九里宮方九百步侯伯之城蓋方七里宮方七百步子男

之城蓋方五里量人掌建國之法以分國為九州營國城郭

掌固掌脩城郭溝池樹渠之固匠人營國方九里旁三


門營謂丈尺其大小天子十二門通十二子國中九經九緯經涂九軌王宮門阿之

制五雉宮隅之制七雉城隅之制九筵阿棟也宮隅城隅謂角

丈度高以高經涂九軌野涂五軌門阿之制以為

度廣以廣

王及諸侯城郭之制



城郭


都城之制宮隅之制以為諸侯之城制環涂以為諸侯
 經涂野涂以為都經涂詩文王有聲曰築城伊滅作豐
 伊匹滅滅華也匹配也箋云方十里曰成滅其溝也廣深各八尺文王受命而猶不自足築豐邑之城大小適與成隅六於諸侯小於天子之
 制左傳祭仲曰都城過百雉國之害也方丈曰堵三堵曰雉一雉之墻長三丈高一丈侯伯之城方五里徑三百雉故其大都不得過百雉
 先王之制大都不過三國之一中五
 定六年皆書城中城孟子曰三里之城七里之郭尚書
 大傳古者百里之國三十里之遂二十里之郊九里之
 城三里之宮七十里之國二十里之遂九里之郊三里
 之城一里之宮五十里之國九里之遂三里之郊一里
 之城以城為宮玄或疑焉周禮匠人營國方九里謂天子城也今大國九里則與天子同春秋傳曰中五之一小九之一以推
 此說小國大都之城三十三步三分之一非也然則大國七里之城小國三
 里之城焉為近可也或者天子實十二里城諸侯大國九里次城七里小國

里五

典命上公九命諸侯七命子男五命其國家官室車旗
衣服禮儀皆以九以七以五為節故上公桓圭九寸纁
藉九寸冕服九章建常九旒樊纓九就貳車九乘介九
人禮九牢其朝位賓主之間九十步侯伯子男各殺以
兩城之里數無所經見蓋國家之禮宮室車旗衣服之
制必眡其命而城則不然觀公侯受城地百里而不以
九以七為節則城豈以命數制哉考工記匠人營國方
九里王城九里則公七里侯伯五里子男三里矣祭仲
曰都城不過百雉雉袤三丈百雉五百步大都不過三
國之一鄭伯爵也城千五百步則五里而已然則孟子
所謂三里之城七里之郭子男國也鄭康成嘗謂周城
九里公七里異議又謂王城十二里公城九里官方九百步
是自戾也詩曰築城伊瀉蓋言為之城以捍患為之瀉以

利水而已鄭氏以城方十里言之是不知考工記所謂
成間有洫者非謂成包以洫也并田之制城中之宅率
家二畝半而納稼之後上入執宮功則至冬皆入保城
矣六鄉之民七万五千家又士工商在焉則九里之城
固不能容然則考工記所言乃王之中城也春秋書城
中城說者以為內城內城之外又有郭矣孟子曰三里
之城七里之郭而郭數加多於城則王城之郭其廣不
特又九里也說文曰郭郭也蓋郭有重口之義而郭猶
罕申之於物歟書傳曰古者百里之城三里之官七十
里之國二十里之遂九里之郊三里之城一里之官五十
里之國九里之遂三里之郊一里之城鄭氏釋聘禮謂
周制天子畿內千里遠郊百里以此差之遠郊上公五
十里侯伯三十里子男十里近郊各半之其說又與書
傳不同皆不可考


經涂環涂



匠人營國方九里旁三門國中九經九緯經涂九軌左祖右社面朝後市鄭氏曰天子門通十二子經緯之涂皆容方九軌軌謂轍廣乘車六尺六寸旁加七寸凡八尺

是為轍廣九軌積七十二尺則此涂十二步也旁加七寸者輻內二寸半輻廣三寸半綆三分寸之二金轄之間三分寸之一蓋南北為經東西為緯涂言經緯猶所謂廣輪阡陌也賈公彥曰王城面有三門門有三涂男子由右婦人由左車從中央然男子由右婦人由左車從中央者非謂各由一涂也詩曰宛然左辟此所謂婦人由左

王畿



詩曰邦畿千里春秋傳曰天子一圻周語曰規方千里以爲甸服王制曰千里之內曰甸則天子寰內面五百里中爲王城百里爲郊二百里爲邦甸三百里爲邦削四百里爲邦縣五百里爲邦都郊之內置六鄉七方五千家而宅田士田賈田近官田牛田牧田任其餘地謂之郊以其與邑交故也邦甸之內置六遂七方五千家而公邑任其餘地謂之甸以甸法在是故也家削之地所以封大夫與王子弟之尤疏者謂之削以其削於縣都故也邦縣之地所以封卿與王子弟之疏者謂之縣以其係於上故也邦都之地所以封三公與子弟之親者謂之都以其有邑都故也邦甸浸廣矣又無九等之地故餘地爲公邑邦削至都又廣矣而三等采地之外其餘亦爲公邑公邑有四而載師特曰公邑之田任

甸地者言公邑始於此也蓋公邑間田也天子使人夫

治之遂人与縣師預焉遂人掌野自百里外至五百里皆曰野縣師掌邦國都鄙謂甸郊

里地鄭康成謂二百里三百里其大夫如州長四百里


五百里其大夫如縣正義或然也然邦甸亦謂之州司

馬法二百里曰州是也邦縣亦謂之都載師所謂小都


是也邦都亦謂之置載師所謂置地是也此周制也周九服侯在畿

外甸則五服甸在畿內

六鄉



六遂



一鄉五州二十五黨百二十五族五百閭二千五百比
自比長下士以上其官三千五十六鄉之官九一万八
千三百三十六一遂五縣二十五鄙百二十五鄣五百
里二千五百鄰自里宰下士以上其官六百五十六六
遂之官九三千九百三十六惣二万二千二百七十二
人學者固疑財不足以祿之然王畿受天下之財貢六
鄉六遂乃軍之所在而邦家之本繫焉是雖祿養之繁

先王不以爲費也夫鄉以嚮於內遂以遂於外內者謂
之民則以禮義爲主故鄉大夫待之以教法外者謂之
甿則以功事爲主故遂大夫齊之以政令鄉官謂之鄉
吏而其爵皆加遂一等故鄉大夫鄉州長中大夫黨正
下大夫而比長則下士遂官謂之爲邑者而其爵皆降
鄉一等故遂大夫中大夫縣王下大夫鄙師上士而鄰
長則非士鄉學加遂一等故謂之庠庠者養也所以養
人材遂學降鄉一等故謂之序序者射也所以教藝事
學記曰鄉之所辨有貴賤遂則辨老幼廢疾而已鄉之
術有序鄉之
徵賦有閭師遂則里宰徵斂而已鄉則大祭祀羞牛牲
遂則凡祭祀共野牲而已鄉官大喪執纛御匱執斧涖
匠師遂官大喪帟幄先道抱磨共籠而已鄉稽鄉器遂
稽稼器鄉大比以三年遂大比以三歲三年大比則攷

其德行道藝而興賢者能者三歲大比則興吐明其有功者厲其地治者則賢能不待歲而後明功事必待歲而後見凡此鄉遂之辨也然遂之相保相調相葬相實不異於鄉鄉之相受相糾不異於遂鄉之田法同於遂遂之軍法同於鄉先王之於家也既以五家為比為隣積而上之至於方二千五百家為鄉為遂其於人也既以五人為伍為兩積而上之至於方二千五百人為軍而又十家為聯以聯其居十人為聯以聯其事鄉則聯之以八里如此則居作相友戰守相衛有同心而無離德也管仲相齊使居則五家為軌十軌為里十里為連十連為鄉出則五人為伍十伍為戎十戎為卒十卒為旅蓋放先王之遺制然也

禮書卷第二十四

禮書卷第二十五

都鄙之制

都鄙三等之別

夏商采地之制

鄉遂中下之別

都鄙上中下地之別

都鄙之制

太宰以八則治都鄙

都之所居曰鄙都鄙公卿大夫之采邑王子弟所食邑周召毛聃畢

原之屬在畿內者也

以九賦斂財賄四曰家削之賦五曰邦縣之

賦六曰邦都之賦

家削三百里邦縣四百里邦都五百里

以九兩繫邦國

之民二曰長以貴得民六曰主以利得民

鄭司農曰主謂公卿大夫

世世食采不絕民抗薄利之立謂利正月之吉始和布治

于邦國都鄙乃施則于都鄙而建其長立其兩設其伍

宰夫掌治法以攷百官府群都縣鄙之治乘其財用之

出入

群都謂采邑也

司會掌邦之六典八法八則之貳以逆邦

國都鄙官府之治司裘王大射則共虎侯熊侯豹侯諸

侯則共熊侯豹侯大夫則共麋侯諸侯謂二公及王子

夫亦皆有采地焉其將祀大司徒辨其邦國都鄙之數

制其畿疆而溝樹之設其社稷之壇而樹之田主凡造

都鄙制其地域而封溝之以其室數制之不易之地家

百晦都鄙王子弟公卿大夫采地其界曰都鄙所居也王

此一五十里之國六十里有三易之地家二百晦再易

之地家三百晦小司徒乃經土地而井牧其田野九夫

為井四井為邑四邑為丘四丘為甸四甸為縣四縣為

都以任地事此謂造都鄙也采地制井田異於鄉遂重

其制似井之字因取各焉井田之法備於一同今止於

封人凡封國設其社稷之壇封其四疆造都邑之封域

亦如之載師以家邑之田任稍地以小都之田任縣地

以大都之田任置地縣師掌邦國都鄙稍甸郊里之地

域遺人以縣都之委積以待凶荒掌節守邦國者用玉

節守都鄙者用角節大宗伯乃頒祀于邦國都家鄉邑

與命王之三公八命其卿六命其大夫四命及其出封

皆加一等其國家宮室車旗衣服禮儀亦如之大祝頒

祭號于邦國都鄙都宗人都謂王子弟所封掌都祭祀

之禮凡都祭祀致福于國家宗人家謂大夫掌家祭祀

之禮凡祭祀致福量人營國城郭營后宮量市朝道巷

門渠造都邑亦如之掌固凡國都之境有溝樹之固郊

亦如之方士掌都家聽其獄訟之辭小行人達天下之

六節都鄙用管節以竹為之朝大夫掌都家之國治

平理其來文日朝以聽國事故以告其君長國事故事天

書於朝者日朝以聽國事故以告其君長子之事故當

施於都家者也告其國有政令則令其朝大夫使其都家


之凡都家之治於國者必因其朝大夫然後聽之惟大
事弗因凡都家之治有不及者則誅其朝大夫在軍旅
則誅其有司 匠人王宮門阿之制五雉宮隅之制七
雉城隅之制九雉經涂九軌環涂七軌野涂五軌門阿
之制以為都城之制宮隅之制以為諸侯之城制環涂
以為諸侯經涂野涂以為都經涂王制曰天子之三公
之田視公侯天子之卿視伯天子之大夫視子男天子
之元士視附庸凡天子之縣內百里之國九七十里之
國二十有一五十里之國六十有三凡九十三國名山
大澤不以盼其餘以祿士以為間田天子之縣內諸侯
祿也選賢置之於世其國不得世外諸侯嗣也有功封之世爵諸侯
世子世國大夫不世爵使以德爵以功謂縣內及列國諸侯為天子大
夫者不世爵而世祿賢也諸侯之大夫不世爵祿禮運曰天子

有田以處其子孫諸侯有國以處其子孫大夫有采以
處其子孫 孟子曰天子之卿受地視侯大夫受地視
伯元士受地視子男

先王之建都鄙以處子弟公卿大夫大者百里其次
七十里其下五十里而其外有封疆溝樹之固其內
有城郭市朝社稷宗廟之別使之朝夕泣事王朝而
退食於家其家不出王城而都鄙乃在三百里以至
五百里之內此猶民之廛里在國而授田在鄉也鄭
武公為周司徒其詩曰適子之館兮還予授子之粢
兮鄭氏謂還在采邑之都然列職於朝常往返乎數
百里之遠則是在途之日多而在朝之日鮮也鄭氏
之說其果然乎采邑謂之都鄙者都以其有邑都也
鄙以其在國之鄙也臣之於君猶月之於日月近日

則其明缺遠日則其明全臣近君則其勢屈遠君則其勢伸故外諸侯世內諸侯則祿而已外諸侯曰君內諸侯則曰長曰主而已其城制不以宮隅而以門阿其經涂不以環涂而以野涂其鄉不設三而立兩其射侯不射三而射二其守節不以玉而以角其達節不以金而以竹則其邑謂之都鄙宜矣然有社稷臣民其實國也故亦曰縣內之國與內諸侯

都鄙三等之制



書曰列爵惟五分土惟三畿內之臣其列爵與諸侯異其受地與諸侯同故孟子曰天子之卿受地視侯大夫受地視伯元士受地視子男然周禮上公九命侯伯七命子男五命王之三公八命卿六命其大夫四命而士不言命蓋上士三命中士再命下士一命也以六命之卿其地視九命之公

以四命之大夫其地視七命之伯以三命之元士其地視五命之子男蓋在內者卑其命而祿必視其外則各有所屈而實有所養在外者崇命而祿大異乎內則各有所伸而實有所守也載師士田任近郊之地家邑之田任稍地小都之田任縣地大都之田任置地此所謂視侯伯子男者也士之受田寡矣而近地為可容故任之於近郊公卿大夫之田多矣非遠地不

可故任之於縣置此周采地之別也鄭氏釋大司徒以王制縣內之數為夏之采地周則未聞釋小司徒又曰采地百里之國凡四都五十里之國凡四縣二十五里九四甸孔穎達謂家邑采地各二十五里在五百里內既曰周之采地未聞又曰采地二十五里之國凡四甸其言不特異於孟子又自戾也夏商采地之制

王制曰天子之田方千里公侯方百里百七十里子男五十里不能五十里者不合於天子附於諸侯曰附庸天子三公之田視公侯天子之卿視伯天子之大夫視子男天子之元士視附庸又曰天子之縣內方百里之國九七十之國二十有一五丁里之國六十有三九九十三國各山大澤不以盼其餘以祿

士以為間田天子之元士不與又曰天子之縣內方千里者為方百里者百封方百里者九其餘方百里者九十一又封方七十里者二十一為方百里者十方十里者二十九其餘方百里者八十方十里者七十一又封方五十里者六十三為方百里者十五方十里者七十五其餘方百里者六十四方十里者九十六鄭氏曰畿內大國九者三公之田三為有致仕者副之為六也其餘三待封王之子弟次國二十一者卿之田六亦為有致仕者副之為十二又三為三孤之田其餘六以待封王之子弟小國六十三大夫之田二十七亦為有致仕者副之為五十四其餘九亦以待封王之子弟三孤之田不副者以其無職佐公論道耳雖其致仕猶可即而謀焉然則王制言王


臣采邑之所視與孟子之說不同其為夏商之法固可知矣鄭氏以王制前所言為商制後所言為夏制不可考也周禮載師宅田任近郊之地家邑小都大都之田乃在三百里至五百里之地以近而狹者祿致仕之臣遠而廣者祿公卿大夫及子弟則是致仕之臣其祿少公卿大夫及子弟其祿多也鄭氏謂三等采邑皆有致仕之田與公卿大夫子弟地相將恐先王之法不然

鄉遂都鄙三等之地


上地



中地



下地



大司徒凡造都鄙不易之地家百畝一易之地家二百畝再易之地家三百畝小司徒均六鄉之土地上地家七人中地家六人下地家五人遂人辨野之土地上地夫一廛田百畝萊五十畝餘夫亦如之中地夫一廛田百畝萊二百畝餘夫亦如之大司馬九令賦以地與民制之上地食者三之二中地食者半下地食者三之一禮記王制上農夫食九人其次食八人

其次食七人其次食六人下農夫食五人庶人在官者其祿以是為差孟子曰上農夫食九人上次食八人中食七人中次食六人下食五人爾雅曰田一歲曰菑二歲曰新田三歲曰畚班固曰歲耕種者為不易上田休一歲者為一易中田休二歲者為再

易下田士工商家受田五口乃當農夫一人此平土可以為法者也若山林藪澤原陵淳鹵之地各能饒多少為差然則周禮於都鄙言易不易者地事也於鄉所食者地利也於遂言田萊者地力也都鄙以政為主故以地事言之鄉以人為主故以地利言之遂以地為主故以地力言之司馬之令賦則欲知其地之厚薄食之多寡故亦以地利言之其實一也惟逐人上地有萊五十畝為異於鄉 與都鄙以鄉之地狹於遂而都鄙之地又輕於遂故也然周禮上地家七人而王制孟子則上食九人其次八人中地家五人而王制孟子則中食七人其次六人下地家五人而王制孟子下食亦五人者蓋先王之於民養之欲其富保之欲其庶故家七人者必授以九人之上

地家六人者必授以七人之中地下地則以地稱人而已凡欲下地之民生齒之蕃以及中上者而後慊此富而瘼之術也小司徒井牧其田野春秋之時楚為掩書土田之事井衍沃牧隰臯大率二牧而當一井則三家受六夫之地与不易一易再易之法同也漢趙過教民治田一晦三剛歲易其處謂之代田与一易再易之意同也觀禹貢之田上上以至下下凡九等為掩別楚地自土田以至衍沃亦九等

鳩穀澤州京陵表淳鹵數疆濶規偃而周禮所言上

中下地三等而已蓋總其大致然也鄭氏謂自二人以至於十為九等七六五者為其中如此則是二人三人四人下地之三等也五人六人七人中地之三等也八人九人十人上地之三等也孟子王制舉上

中地而不及下周禮舉中地而不及上下然周禮言上地中地下地而孟子王制或言上次下次或言上中下是九等之地在其中矣孰謂各舉其偏哉遂入三等之田萊大司馬三等之軍賦其言上中下地与司徒三等之地同

禮書卷第二十五

禮書卷第二十六

尺

夫

邑丘

成

步

屋

甸成

通終

晦

井

縣都

同

十寸之尺



八寸之尺




家語曰布指知寸布手知尺投壺記曰籌室中五扶堂上七扶公羊傳曰膚寸而合鄭氏曰鋪四指曰扶一指按寸何休曰側手為膚按指為寸扶即膚耳然則寸尺之度取諸身也漢律歷志曰一黍之廣為分十分為寸十寸為尺然則寸尺之廣又取諸物也先王制法近取諸身遠取諸物足以考信而無疑焉然後尺寸之度起矣則指尺之與黍尺一也黍有巨細故尺有長短先儒以黍之巨者積而為寸則於膚指不合於是有指黍二尺之辨謂圭璧之屬用指尺冠冕尊彝之屬用黍尺豈其然乎周禮典瑞璧羨以起度考工記璧羨度尺好三寸以為度璧徑九寸羨而長之從十寸廣八寸同謂之度尺則周之法十寸八寸皆為尺也考工記於案言十有二寸於鎮圭言尺有二寸此十寸尺之證也說文曰

咫八寸周尺也王制曰周尺八尺為步今以周六尺四寸為步六尺四寸乃八尺爾此八寸尺之證也餘見闕門隋書所載歷代之尺至有一十五種蓋古尺既廢後世長短異同之論遂不一也

單穆公曰目之察度也不過步武之間荀卿曰立視前六尺而大之六六三十六三丈六尺然則荀卿所謂六尺者步也單穆公所謂步者六尺也故司馬法曰六尺

步 六尺 為步



為步步百為晦班固論建步立晦亦祖之以為說則古者以六尺為步明矣王制言古者以周尺八尺為步今以周六尺四寸為步古者百晦當今東由百四十六晦三十步古者百里當今百二十一里六十步四尺二寸二分然六尺四寸者十寸之尺也十寸之尺六尺四寸乃八寸之尺八尺也其步數與荀卿之說不同蓋各述其所傳然也

晦




夫



屋



井






成

旬



丘

邑




成

通



都

縣





大田...

五

終

同



虞書禹曰濬畎澮距川小司徒乃經土地而井牧其田
 野九夫為井四井為邑四邑為丘四丘為甸四甸為縣
 四縣為都以任地事而令貢賦九稅斂之事

制井田異於鄉遂重立國小司徒為經之立共五
 季之界其制似井沃牧濕旱者也玄謂照鼻之地九夫為
 秋傳所謂井衍沃牧濕旱者也玄謂照鼻之地九夫為
 牧二牧為當一井今造都鄙授民田有不康在虞思有
 再易通率二而當一是一謂井牧昔夏少康在虞思有
 田一成為有旅一旅之眾而田一成則井牧之法先古然矣
 九夫為井者方一里九夫所治之田也此制小司徒經
 之匠人為之溝洫除水害也讀如乘甸之甸方八里旁
 田四統溝洫為甸洫之言乘也讀如乘甸之甸方八里旁
 里四統溝洫為甸洫之言乘也讀如乘甸之甸方八里旁
 一里則方十里為一統積百井九夫其甸方八里旁
 五里則方十里為一統積百井九夫其甸方八里旁
 四甸為縣方二里為一統積百井九夫其甸方八里旁
 車旁如十方二里為一統積百井九夫其甸方八里旁
 四甸為縣方二里為一統積百井九夫其甸方八里旁
 三甸為縣方二里為一統積百井九夫其甸方八里旁
 二甸為縣方二里為一統積百井九夫其甸方八里旁
 地食者皆夫治澮井田之法備於一國今止於都者來
 田稅入於王之國九甸稅入於王地事謂農牧於王
 二田稅入於王之國九甸稅入於王地事謂農牧於王

虞也頁謂九穀山澤之材也賦謂出車徒給餘役也司

馬法曰六尺為步步百為晦晦百為夫夫三為屋屋三

為井井十為通通為匹馬三十家士一人徒二十人十成為

終終千井三千家車十乘七百人徒二百人十終為

同同方百里万井三家車百乘士千人徒二千人為

遂人辨其野之土上地中地地下地以頒田里上地夫一

廬田百晦萊五十晦餘夫亦如之中地夫一廬田百晦

萊百晦餘夫亦如之凡治野夫間有遂遂上有徑十

夫有溝溝上有畛百夫有洫洫上有涂千夫有澮澮上

有道萬夫有川川上有路以達于畿夫一夫鄰之田千夫

二畝之田万夫四畝之田遂溝洫澮皆所以通水於川也

遂從溝橫澮從澮橫九澮而川周其外焉夫山陵林麓

川澤溝澮城郭宮室涂巷三分之制其餘如此以至千

歲則中雖有都鄙匠人為溝洫主通水利田

二耜為耦一耦廣尺深尺謂之剛田首倍之廣二尺深

二尺謂之遂古耜一金兩人併獲之其壟中曰剛

岐頭兩金象士之謂也田一夫之所佃百九夫為井井

畝方百步地遂者夫間小溝遂上亦有徑百九夫為井井

間廣四尺深四尺謂之溝方十里為成成間廣八尺深

八尺謂之澮方百里為同同間廣二尋深二仞謂之澮

內乘地之制九夫為井井者方一里九夫所治之田也

采地制井田異於鄉遂及公邑三夫為屋屋具也一井

之成三成中容一夫三三相具以出賦稅共治溝也方十里

為成成中容一夫三三相具以出賦稅共治溝也方十里

邊十里為同治澮來地者都在三百里四成方八十里出田

師職曰園廬二十而一近郊什一遠郊二十而三甸稍

滕文公問為國於孟子孟子曰善哉其實皆十一徹者徹也

藉也龍子曰治地莫善於助莫不善于貢貢貢者校數也

之什一使自賦鄉以下必有圭田圭田五十畝餘夫二

病相扶持則百姓親睦方里而井井九百晦其中為公

田別野人也又曰詩云雨我公田遂及我私私惟助為有公

田由野人觀之雖周亦助也魯哀公問於有若曰年飲用

其微也如春秋宣十五年秋初稅畝傳曰非禮也穀出不

過藉以豐財也此數者世人謂之錯而疑焉以載師職
及司馬法論之周制畿內用夏之貢法稅夫無公田以
詩春秋論語孟子論之周制邦國用商之助法制公田
不稅夫貢者自治其所受田貢其稅穀助者借民之力
以治公田又使收斂焉畿內用貢法者鄉遂及公邑之
吏旦夕從民事為其促之以公使不得恤其私邦國用
助法者諸侯專一國之政為其貪暴稅民無藝周之畿
內稅有輕重諸侯謂之徹者通其率以什一為正孟子
云野九夫而稅一國中什一是一邦國亦異外內之法耳
圭之言圭絜也周謂之士田鄭司農說以春秋傳曰有
田一成又曰王制方一里者為田九百畝方十里者為
例國一同方一里者為田九萬畝方百里者為方十里者為
方一里者為田九萬畝方百里者為方十里者為百為
田九十億晦方千里者為方百里者百為方田十億晦凡
四海之內斷長補短方三千里為田八千萬億一萬億
晦方百里者為田九十億晦山陵林麓川澤溝瀆城郭
宮室塗巷三分去一其餘六十億晦古者以周尺八尺
為步今以周尺六尺四寸為步古者百晦當今東田百
四十六晦三十步古者百里當今百二十一里六十步

四尺二寸二分詩信彼南山維禹甸之昞昞原隰曾孫

田之甸治也箋云禹我疆我理南東其晦中田有廬疆

場有瓜是剝是蒞甫田曰倬彼甫田歲取十千箋云

言夫也明乎彼太古之時以丈夫稅田也歲取十千

於非田之法則一成之數也九夫為井井稅一夫其田

百畝井十為通通稅十夫其田千畝通十為成成稅百

夫其田萬畝欲見其數從井通起故言十千上地穀畝

一文王有聲曰築城伊瀆作豐伊匹或成溝也匹配也

深其溝也廣駿發爾私終三十里亦服爾耕十千維耦

私民田也言上欲富其民而讓於下欲民之大發其私

田耳終三十里言各極其望也箋云駿疾也發伐也亦

大服事也使民疾耕發其私田竟三十里者一部一吏主

之於是民大事耕其私田萬耦同時舉也周禮曰凡治

野甲夫間有遂遂上有徑十夫有溝溝上有畛百夫有

血血上有塗千夫有澮澮上有道萬夫有川川上有路

計此方夫之地方三十里少半里也起廣五寸二耜為

耦一川之間萬夫故有萬耦耕言三十里者舉其成數

春秋宣十五年初稅畝左傳曰非禮也穀出不過藉

力治之稅不過此成元年作丘甲周禮九夫為井四

立十六井出戎馬一匹牛三頭四丘為甸甸六十四井
出長穀一乘戎馬四匹牛十二頭甲士三人步卒七十
二人此甸所賦今魯使
丘出之譏重欵故書
哀十二年用田賦左傳曰季孫

欲以田賦丘賦之法因其田財通出馬一匹牛三頭使

冉有訪諸仲尼仲尼曰丘不識也三發卒曰子為國老

待子而行何子之不言也仲尼不對而私於冉有曰君

子之行也度於禮施取其厚事舉其中欵從其薄如是

則以丘亦足矣若不度於禮而貪冒無厭則雖以田賦

將又不足且子季孫若欲行而法則周公之典在若欲

苟而行又何訪焉左傳又曰楚蔞掩為司馬書土田度

山林鳩數澤辨京陵表淳鹵數疆潦規偃豬町原防牧

隰臯井衍沃襄二十五年又曰昔夏后少康在虞思有田一

成有衆一旅公羊曰初稅晦初者何始也稅晦者何履

晦而稅也何以書譏始履晦而稅也古者什一而藉什

一者天下之中正也多乎什一大禁小禁寡乎什一大

貉小貉什一者天下之中正也什一行而頌聲作矣林何

曰聖人制井田之法而口分之一夫婦受田百畝以養父母妻子五口為一家

公田十畝即所謂什一而稅也

項共為一井故曰井田

井田之義一曰無此地氣二曰無費一家三曰同風俗四曰合巧拙五曰通財

貨因井田以為市故俗語曰市井種穀不得種一以備災害田中不得有樹還

食肉焉死者得葬焉多於五口名曰餘夫餘夫以率受田二十五晦十井共出

兵車一乘司空謹別田之高下善惡分為三品上田一歲一墾中田二歲一墾

下田三歲一墾肥饒不得獨樂饒饒不得獨告故三年一換土易居財均力平

兵車素定是謂均民力疆國家在田曰廬在邑曰里一里八十戶八家共一井

中里為校室選其耆老有高德者名曰父老其有辨說抗健者為里正皆受倍

田得乘馬父老比三老孝悌官屬里正此庶人在官之吏民耆夏出田秋冬入

籍而不稅初稅非正也古者三百步為里名曰井田井

也田謂一井之田賦者歛取其財物也言用田賦者若今漢家歛民錢以田為

井不過一乘哀公外慕疆吳空穀梁曰初稅晦者始也古者什一

盡國儲故復用田賦過什一哀十二年用田賦公羊曰譏始用田賦

女功一月得四十五日作從十月至正月止

田者九百晦公田居一私田稼不善則非吏公田稼不善則非民初稅晦者非公之去公田而履晦十取一也以公之與民為已悉矣古者公田為居井竈葱韭及取焉成元年作丘甲公羊曰丘甲何以書誠何誠爾誠始丘使也四井為邑四邑為丘甲也誠始使丘民作鑑也穀梁曰作丘甲周於九夫為井四井為邑四邑為丘丘為甲也兵甲國之事也丘作用非正也丘作甲之為非正何也古者立國家百官具農工皆有職以事上古者四民有士民有商民有農民有工民夫甲非人人之所能為也丘作甲非正也用田賦古者九夫為井十六井為丘丘賦之法因其日財通共出古者公田什一用田賦非正也馬一匹牛三頭今別其田及家財各出此賦言用者非所宜用而用謂之徹商謂之助夏謂之貢其實一也皆通法也今乃存中下之法而田財並民甚矣孟子曰夏后氏五十而貢商人七十而助周人百晦而徹其實皆什一也詩云雨我公田遂及我私惟

助為有公田由此觀之雖周亦助也又曰請野九一而助國中什一使自賦鄉以下必有圭田圭田五十晦餘夫二十五晦鄉田同井出入相友守望相助疾病相扶持則百姓親睦方里而井井九百晦其中為公田八家皆私百晦同養公田公事畢然後敢治私事此所以別野人也前漢志曰理民之道地著為本故必建步立晦正其經界六尺為步步百為晦晦百為夫夫三為屋屋三為井井方一里是為九夫八家共之各受私田百晦公田十晦是為八百八十晦餘二十晦以為廬舍出入相友守望相助疾病相救民是以和睦而教化齊同力役生產可得而平也民受田上田夫百晦中田夫二百晦下田夫三百晦歲耕種者為不易上田休一歲者為一易中田休二歲者為再易下田三歲更耕之自受

其處農民戶人已受田其家衆男爲餘夫亦以口受田
如此士農工商家受田五口乃當農夫一人此謂平土
可以爲法者也若山林藪澤原陵溇鹵之地各以肥磽
多少爲差民年二十受田六十歸田七十以上上所養
也十歲以下上所長也十一以上上所強也種穀必雜
五種以備災害田中不得有樹用妨五穀力耕數耘收
獲如寇盜之至還廬樹桑菜茹有畦瓜瓠果菰殖於疆
場鷄豚狗彘毋失其時女修蠶織則五十可以衣帛七
十可以食肉在塾曰廬在邑曰里春將出民里胥平旦
坐於右塾鄰長坐於左塾畢出然後歸夕亦如之入者
必持薪樵輕重相分班白不提挈夕民旣入婦人同巷
相從夜績女工一月得四十五日周室旣衰暴君汚吏
慢其經界繇役橫作政令不信上下相詐公田不治故

魯宣公初稅晦春秋譏焉李悝爲魏文侯作及地力之
教以爲地方百里提封九萬頃除山澤邑居參分去一
爲田六百萬晦治田勤謹則晦益三升不勤則損亦如
之地方百里之增減輒爲粟百八十万石矣武帝末年
以趙過爲搜粟都尉過能爲代田一晦三剛歲代其處
故曰代田古法也后稷始剛田以二耜爲耦廣尺深尺
曰剛長終晦一晦三剛一夫三百剛而播種於剛中苗
生葉以上稍耨隴草因墾其土以附苗根故其詩曰或
耘或耔黍稷薿薿芸除草也籽附根也言苗稍壯每耨
輒附根比盛夏隴盡而根深能風與旱故薿薿而盛也
其耕耘下種田器皆有便巧率十二夫爲田一井一屋
故晦五頃用耦犁二牛三人一歲之收常過縵田晦一
斛以上善者倍之過使教田太常三輔大農置工巧奴

與從事爲作田器二千石遣令長三老力田及里父老
善田者受田器學耕種養苗狀民或苦少牛云以趨溼
故平都令光教過以人輓犁過奏光以爲丞教民相與
庸輓犁率多人者田日三十晦少者十三晦以故田多
墾闢書曰濬畎澮距川詩曰惟禹甸之語曰禹尽力乎
溝洫春秋傳曰少康之在虞思有田一成有衆一旅則
井田溝洫之制尚矣周官小司徒經土地而井牧其田
野九夫爲井四井爲邑四邑爲丘四丘爲甸四甸爲縣
四縣爲都以任地事以令貢賦遂人凡治野夫間有遂
遂上有徑十夫有溝溝上有畛百夫有洫洫上有涂千
夫有澮澮上有道万夫有川川上有路以達于畿考工
記匠人爲溝洫廣尺深尺謂之圳田首倍之廣二尺深
二尺謂之遂九夫爲井井間廣四尺深四尺謂之溝方

十里爲成成間廣八尺深八尺謂之洫方百里爲同同
間廣二尋深二仞謂之澮司馬法六尺爲步步百爲晦
晦百爲夫夫三爲屋屋三爲井井十爲成成十爲通通
十爲終終十爲同蓋三屋爲井井方一里九夫四井爲
邑邑方二里三十六夫十六井爲丘丘四百里百四十
四夫六十四井爲甸甸方八里五百七十六夫二百五
十六井爲縣縣方十六里二千三百四夫一千二十四
井爲都都方三十二里九千二百一十六夫鄭康成以
小司徒有邑甸縣都之別而其名與采邑同匠人有圳
遂溝洫澮之制而多寡與遂人異故言采地制井田鄉
遂公邑制溝洫又謂鄉遂公邑之吏或促民以公使不
得恤其私諸侯專國之政或恣爲貪暴稅民無藝故畿
內用夏貢邦國用商助賈公彥之徒遂以載師自國中

園廬以至甸稍縣都皆無過十二是鄉遂及四等公邑
皆用貢而無助以明鄉遂特為溝洫而已然先王之為
井田也使所飲同井所食同田所居同廬所服同事出
入相友守望相助疾病相扶持鄉遂六軍之所寓庸豈
各授之田而不為井法乎大田之詩言曾孫來止而歌
雨我公田遂及我私噫嘻之詩言春夏祈穀于上帝而
歌駿發爾私終三十里亦服爾耕十千維耦周官遂人
言興耒旅師有耒粟比鄉遂井田之事也鄭氏以鄉遂
無井田而又以遂人之法釋詩以一井之法釋旅師是
自戾也孟子曰鄉田同井請野九一而助則鄉遂之為
井田可知矣載師之所徵賦非一夫受田之法而甸稍
縣都皆無過十二則采地有不為井田可知矣井田之
制方里而井八家皆私百畝其中為公田而廬舍在焉

公田八十畝而家治十畝廬舍二十畝而家二畝半廬
舍在內貴人也公田次之重公也私田在外賤私也民
年二十受田六十歸田而任之也有期強者有所加子
罷者有所罰辱而勸之也有法此民所以樂事勸功而
無憾於養生送死也先王之時上以仁撫下下以義事
上以仁撫下故先民而後公則駿發爾私是也以義事
上故先公而後已則雨我公田遂及我私是也又私田
稼不善則非吏公田稼不善則非民庸有鄉遂公邑之
吏促民以公使不恤其私者乎小司徒九夫為井匠人
亦九夫為井井間有溝自井也言之也遂人十夫有溝
兼溝涂言之也然遂人百夫有洫而匠人十里為成成
間有洫則九百夫之地遂人千夫有澮而匠人百里為
同同間有澮則九萬夫之地其不同何耶成間有洫非

一成之地包以一洫而已謂其間有洫也同間有澮非
一同之地包以一澮而已謂其間有澮也成與同地之
廣者也洫與澮溝之大者也於成舉洫於同舉澮亦其
大略云爾春秋之時楚為掩為政井衍沃牧隰臯而小
司徒井其田野則取名於縣都而已觀二百一十國謂
之州五黨亦謂之州方二千五百家謂之遂一夫之間
亦謂之遂王畿謂之縣五鄙亦謂之縣縣都之名豈特
施於采邑哉然則鄉之井也謂之縣都可也

